

ԱՌՃԱԿԱՏՈՒՄԸ ՇԱՐՈՒՆԱԿԻՈՒՄ Է

ՀԱՅԿ ՏԻԳՐԱՆԵԱՆ

Նախկին ԽՍՀՄի պաշտպանության համակարգի «փակ» կարգավիճակն այսօր կասկածի տակ է դրում: Բանն այն է, որ անկախություն հռչակած նախկին հանրապետությունները կենտրոնից պահանջում են իրենց մասնաբաժինը: Եւ հետաքրքրականն այն է, որ ամեն մի հանրապետության կողմից այդ խնդրի նկատմամբ ցուցաբերուող եւ՛ մօտեցումը, եւ՛ լուծումը իւրովի է: Օրինակ, Ուկրաինայի Գերագոյն Խորհուրդը որոշում է ընդունել 420 հազարանոց սեփական բանակ ստեղծելու մասին, որի մէջ մտնում է Ղրիմի ռազմածովային նաւատորմը: Նա հրաժարում է իր տարածում գտնուող միջուկային զէնքի բոլոր տեսակներից եւ իրեն յայտարարում որպէս միջուկազերծ գօտի: Սակայն համաձայն լինելով ստրատեգիական եւ միջուկային զէնքերի միասնական կառավարման առաջարկին, Ուկրաինան ձգտում է որպէս անկախ պետութիւն իրաւահաւասար պայմաններում մասնակցել դրանց կրճատման համար տարուող ԱՄՆի եւ ԽՍՀՄի բանակցութիւններին: Մասնաւորապէս, ըստ Ուկրաինայի արտաքին գործոց նախարար Ա. Ջելենկոյի յայտարարութեան, հանրապետութեան տարածում վերացուելու են 176 ստրատեգիական միջուկային մարտագլխիկներից 130ը:

Այսուհանդերձ Արեւմուտքում ԽՍՀՄ գլխաւոր պարտնյորները մտահոգուած են «միջուկային ա-

կումբի» կազմի թէկուզեւ ժամանակաւոր ընդլայնման հնարաւորութեամբ: Նրանք յոյս են յայտնում, որ Ուկրաինան հարազատ կը մնայ պետական ինքիշխանութեան մասին հռչակագրին, որտեղ ընդգծուում է ապագայ պետութեան մտադրութիւնը առաջիկայում դառնալ չեզոք եւ հարազատ մնալ ոչ միջուկային երեք սկզբունքներին՝ չընդունել, չարտադրել եւ ձեռք չբերել միջուկային զէնք:

Այդ հարցի նկատմամբ խորամանկ վերաբերմունք ունի Ադրբեջանը, որի Գերագոյն Խորհուրդը համապատասխան որոշումով իր տարածում գտնուող խորհրդային բոլոր զինատեսակներն ու զինամթերքը յայտարարել է իր հանրապետութեան սեփականութիւնը: Ըստ էութեան, Ադրբեջանում տեղի է ունենում 4րդ բանակի «ազգայնացման» գործընթաց: Նմանօրինակ ձեռնարկութիւնների սլաքն անկասկած ուղղուած է, նախ եւ առաջ Արցախի եւ Հայաստանի դէմ: Այս մասին բազմիցս ուղղակիօրէն յայտարարել են Ադրբեջանի թէ՛ պաշտօնական շրջանները, եւ թէ՛ Աժժի ղեկավարները:

Զնայած նման «վեռականութեամբ» հանդէս են եկել առայժմ Ուկրաինան եւ Ադրբեջանը, բայց չի բացաւում, որ մօտ ապագայում նոյնպիսի յայտարարութիւններով ու որոշումներով հանդէս կը գան նաեւ միւս հանրապետութիւնները: Փաստօրէն անկախ հանրապետութիւններում գտնուող առայժմ ամբողջական

խորհրդային բանակի համապատասխան հատուածների «ազգայնացման» միտումը առկայ է: Դժուար է ասել, թէ վաղն այս միտումը կը զարգանա՞, թէ՛ կը սահմանափակուի: Բայց արժէ նշել, որ նախկին կենտրոնի այսօրուայ խորհրդանիշը՝ Գորբաչովը, ԽՍՀՄ նոր ձեւաւորուած Գերագոյն Խորհրդի Հանրապետութիւնների պալատի եւ Միութեան պալատի համատեղ նիստում «մեղմ» վեռականութեամբ նախագուշացում-յայտարարութիւն արեց, այն է. «Նման փորձերը լուրջ չեն եւ հակաօրինական են: Եւ եթէ այս դէպքերը շարունակւեն, ձեռք կ'առնուի սահմանադրական բնոյթի միջոցներ»: Ինչպէս տեսնում ենք, նախկին կենտրոնի եւ հանրապետութիւնների միջեւ տարբեր ոլորտներին վերաբերող ընդունուած օրէնքների ու որոշումների առճակատումը դեռեւս շարունակուում է:

Եւ չնայած դրան ԽՍՀՄ նախագահ Գորբաչովը նպատակաւորաբար է գտնում Ադրբեջանի նախագահ Մուքալիբովի հետ միասին ներկայ գտնուել Նիգամու ծննդեան 850 ամեակի կապակցութեամբ Մոսկուայում տեղի ունեցած հանդիսութիւններին: Զլինի այնպէս, որ Նիգամու այսօրուայ երկրպագուները նման ներկայութիւնը յանկարծ դիտեն իրենց որոշումները «չնկատելու» մի կարելուր քայլ:

Սակայն յուսանք, որ մի այնպիսի ոլորտ, ինչպիսին ռազմականն է, չի դառնայ քաղաքական առուծախի ասպարէզ: